

26 JUN 1998

DR MAHATHIR RASMI SEMINAR KEPIMPINAN MAHASISWA IPTA

KUALA LUMPUR, 26 Jun (Bernama) -- Perdana Menteri Datuk Seri Dr Mahathir Mohamad hari ini merasmikan seminar kepimpinan mahasiswa ketiga institusi pengajian tinggi awam (IPTA) di Pusat Islam di sini.

Seminar tiga hari yang bermula semalam itu diadakan di kampus Universiti Teknologi Malaysia.

Ia bertujuan memberi pendedahan kepada pemimpin mahasiswa mengenai senario kepimpinan masa kini dan akan datang, membina kepimpinan mahasiswa yang prihatin tentang cabaran globalisasi dan menjuruskan potensi kepimpinan ke arah pembangunan negara yang mapan.

Tema seminar ialah "Kepimpinan Mahasiswa Menghadapi Cabaran Globalisasi."

Kira-kira 300 peserta dari semua IPTA seluruh negara dan tiga IPT swasta - Universiti Petronas, Universiti Tenaga Nasional dan Universiti Telekom - mengambil bahagian dalam seminar itu.

Yang turut hadir ialah Menteri Pendidikan Datuk Seri Najib Tun Razak.

-- BERNAMA

AFY RON